

謂觀欲想瞋恚想殺害想是謂比丘有此三
 想比丘當知若有人觀欲想命終時便墮地
 獄中若觀瞋恚想命終時生畜生中所謂雞
 狗之屬蛇虺之類而生其中若觀害想而命
 終者生餓鬼中形體燒然苦痛難陳是謂比
 丘有此三想生地獄中餓鬼畜生復有三想

云何為三所謂出要想不害想不恚想若有
 人有出要想者命終之時生此人中若有不
 害想者命終時生自然天上若有人不殺心
 者命終時斷下五結便於彼處而般涅槃是
 諸比丘有此三想常念修三此三惡想當遠
 離之如是諸比丘當作是學尔時諸比丘聞

佛所說歡喜奉行

地主婆拘耳 婆提逆順香 愚世三不善
 三聚觀在後

十末

增壹阿含經卷第十三

斯三

斯匿力下尼反履履上反所懷妊下而反晃明反廣勇悍

下音 靡伏上苗反剔除上他反甘饌下味反斟酌上音
 針 毫釐下力反杖淚上粉反武駮反語解式詰一下起澡
 罐二字音塵翳下反勵音琴絃上作非全
 蒲悶反慙減并反秃頭上他反釜音地虺下鬼反

增壹阿含經卷第十四

斯四

符秦建元年三藏曇摩難提譯

高幢品第二十四之一

聞如是一時佛在舍衛國祇樹給孤獨園尔
 時世尊告諸比丘昔者天帝釋告三十三天
 卿等若入大戰中時設有恐怖畏懼之心者
 汝等還顧視我高廣之幢設見我幢者便無
 畏怖若不憶我幢者當憶伊沙天王幢以憶
 彼幢者所有畏怖便自消滅若不憶我幢及
 不憶伊沙幢者尔時當憶婆留那天王幢以
 憶彼幢所有恐怖便自消滅我今亦復告汝
 等設有比丘比丘尼優婆塞優婆夷若有畏

怖衣毛豎者尔時當念我身此是如來至真等正覺明行成爲善逝世間解無上士道法御天人師号佛衆祐出現於世設有恐怖衣毛豎者便自消滅若復不念我者尔時當念於法如來法者甚爲微妙智者所學以念法者所有恐怖便自消滅設不念我復不念法尔時當念聖衆如來聖衆極爲和順法法成就戒成就三昧成就智慧成就解脫成就解脫見慧成就所謂四雙八輩此是如來聖衆可敬可事世間福田是謂如來聖衆尔時若念僧已所有恐怖便自消滅比丘當知釋提桓因猶有姪怒癡然三十三天念其主即無恐怖况復如來無有欲怒心當念有恐怖乎若有比丘有恐怖者便自消滅是故諸比丘當念三尊佛法聖衆如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時拔祇國界有鬼名爲毗沙在彼國界極爲

凶暴殺民無量恒日殺一人或日殺二人三人四人五人十人二十人三十人四十人五十人尔時諸鬼神羅刹充滿彼國是時拔祇皆共集而作是說我等可得避此國至他國界不須住此是時毗沙惡鬼知彼人民心之所念便語彼人民曰汝等莫離此處至他邦土所以然者終不免吾手卿等日日持一人祠吾吾便不觸擾汝是時拔祇人民日取一人祠彼惡鬼是時惡鬼食彼飲食已取骸骨填著他方山中然彼山中骨滿谿谷尔時有長者名善覺在彼住止饒財多寶積財千億驢騾駱駝不可稱計金銀珍寶碑磔瑪瑙真珠琥珀亦不可稱計尔時彼長者有見名那優羅唯有一子甚愛敬念未曾離目前尔時有此限制那優羅小兒次應祠鬼是時那優羅父母沐浴此小兒與著好衣將至冢間至彼鬼所到已啼哭喚呼不可稱計並作是說諸神地神皆共證明我等唯有此一子願諸

斯四

二

明神當證明此及二十八鬼神王當共護此無令有乏及四天王咸共歸命願擁護此兒使得免濟及釋提桓因亦向歸命願濟此兒命及梵天王亦復歸命願脫此命諸有鬼神護世者亦向歸命使脫此厄諸如來弟子漏盡阿羅漢我今亦復歸命使脫此厄諸辟支佛無師自覺亦復自歸使脫此厄彼如來今亦自歸不降者降不度者度不獲者獲不脫者脫不般涅槃者使般涅槃無救者與作救護盲者作眼日病者作大醫王若天龍鬼神一切人民魔及魔天最尊最上無能及者可敬可貴爲人作良祐福田無有出如來上者然如來當鑒察之願如來當照此至心是時那優羅父母即以此見付鬼已便退而去尔時世尊以天眼清淨復以天耳徹聽聞有此言那優羅父母啼哭不可稱計尔時世尊以神足力至彼山中惡鬼住處時彼惡鬼集在雪山比鬼神之處是時世尊入鬼住處而

斯四

三

坐正身正意結跏趺坐是時那優羅小兒漸以至彼惡鬼住處是時那優羅小兒遙見如來在惡鬼住處光色炳然正身正意繫念在前顏色端正與世有奇諸根寂靜得諸功德降伏諸魔如此諸德不可稱計有三十二相八十種好莊嚴其身如須彌山出諸山頂面如日月亦如金山光有遠照見已便發歡喜心向於如來便生此念此必不是毗沙惡鬼所以然者我今見之極有歡喜之心設當是惡鬼者隨意食之是時世尊告曰那優羅如汝所言我今是如來至真等正覺故來救汝及降此惡鬼是時那優羅聞此語已歡喜踊躍不能自勝便來至世尊所頭面礼足在一面坐是時世尊與說妙義所謂論者施論戒論生天之論欲爲穢惡漏不淨行出家爲要去諸亂想尔時世尊已見那優羅小兒心意歡喜意性柔輒諸佛世尊常所說法苦集盡道是時世尊具與彼說彼即於座上諸塵垢

盡得法眼淨彼已見法得法成就諸法承受
諸法無有狐疑解如來教歸佛法聖衆而受
五戒是時毗沙惡鬼還來至本處尔時惡鬼
遙見世尊端坐思惟身不傾動見已便興恚
怒兩雷電霹靂向如來所或兩刃劍未墮地
之頃便化作優鉢蓮花是時彼鬼倍復瞋恚
爾諸山河石壁未墮地之頃化作種種飲食
是時彼鬼復化作大象喚吼向如來所是時
世尊復化作師子王是時彼鬼倍化作師子
形向如來所尔時世尊化作大火聚是時彼
鬼倍復瞋恚化作大龍而有七首尔時世尊
化作大金翅鳥是時彼鬼便生此念我今所
有神力今已現之然此沙門衣毛不動我今
當往問其深義是時彼鬼問世尊曰我今毗
沙欲問深義設不能報我者當持汝兩腳擲
著海南世尊告曰惡鬼當知我自觀察無天
及人民沙門婆羅門若人非人能持我兩脚
擲海南者但今欲問義者便可問之是時惡

斯四

四

鬼問曰沙門何等是故行何等是新行何等
是行滅世尊告曰惡鬼當知眼是故行曩時
所造緣痛成行耳鼻口身意此是故行曩時
所造緣痛成行是謂惡鬼此是故行毗沙鬼
曰沙門何等是新行世尊告曰今身所造身
三口四意三是謂惡鬼此是新行時惡鬼曰
何等是行滅世尊告曰惡鬼當知故行滅盡
更不興起復不造行能取此行永已不生求
盡無餘是謂行滅是時彼鬼白世尊曰我今
極飢何故奪我食此小兒是我所食沙門可
歸我此小兒世尊告曰昔我未成道時曾為
菩薩有鵠投我我尚不惜身命救彼鵠厄况
我今日已成如來能捨此小兒令汝食噉汝
今惡鬼盡其神力吾終不與汝此小兒云何
惡鬼汝曾迦葉佛時曾作沙門修持梵行後
復犯戒生此惡鬼尔時惡鬼承佛威神便憶
曩昔所造諸行尔時惡鬼至世尊所頭面礼
足並作是說我今愚惑不別真偽乃生此心

向於如來唯願世尊受我懺悔如是三四世
 尊告曰聽汝悔過勿復更犯尔時世尊與毗
 沙鬼說微妙法勸令歡喜時彼惡鬼手擎數
 千兩金奉上世尊曰我今以此山谷
 施招提僧唯願世尊與我受之及此數千兩
 金如是再三尔時世尊即受此山谷便說此偈

斯四

五

園菓施清涼 及作水橋梁 設能造大船
 及諸養生具 晝夜無懈怠 獲福不可量
 法義戒成就 終後生天上
 是時彼鬼白世尊曰不審世尊更有何教世
 尊告曰汝今捨汝本形著三衣作沙門入拔
 祇城在在處處作此教令諸賢當知如來出
 世不降者降不度者度不解脫者令知解脫
 無救者與作救護盲者作眼目諸天世人天
 龍鬼神魔若魔天若人非人最尊最上無與
 等者可敬可貴為人作良祐福田今日度那
 優羅小兒及降毗沙惡鬼汝等可往至彼受
 化對曰如是世尊尔時毗沙鬼作沙門被服

者三法衣入諸里巷作此教令今日世尊度
 那優羅小兒乃降伏毗沙惡鬼汝等可往受
 彼教誨當於尔時拔祇國界人民熾盛是時
 長者善覺聞此語已歡喜踊躍不能自勝將
 八万四千人民之衆至彼世尊所到已頭面
 礼足在一面坐尔時拔祇人民或有礼足者
 或有擊手者尔時八万四千之衆已在一面
 坐是時世尊漸與說微妙之法所謂論者施
 論戒論生天之論欲不淨想漏為大患尔時
 世尊觀察彼八万四千衆心意歡悅諸佛世
 尊常所說法苦集盡道普與彼八万四千衆
 而說此法各於座上諸塵垢盡得法眼淨猶
 如白淨之衣易染為色此八万四千衆亦復
 如是諸塵垢盡得法眼淨得法見法分別諸
 法無有狐疑得無所畏自歸三尊佛法聖衆
 而受五戒尔時那優羅父長者白世尊曰唯
 願世尊當受我請尔時世尊默然受請時彼
 長者已見世尊默然便從座起頭面礼足退

還所在辦種種飲食味若干種種清且白白
時到尔時世尊到時著衣持鉢入拔祇城至
長者家就座而坐是時長者已見世尊坐定
手自斟酌行種種飲食已見世尊食訖行清
淨水已更取一座在如來前坐白世尊曰善
哉世尊若四部之衆須衣被飲食牀卧具病

斯四

六

瘦醫藥盡使在我家取之世尊告曰如是長
者如汝所言世尊即與長者說微妙之法已
說法竟便從座起而去尔時世尊如屈伸臂
頃從拔祇不現還來至舍衛祇桓精舍尔時
世尊告諸比丘若四部之衆須衣被飲食牀
卧具病瘦醫藥者當從那優羅父舍取之

尔時世尊復告比丘如我今日優婆塞中第
一弟子無所愛惜所謂那優羅父是尔時諸
比丘聞佛所說歡喜奉行

聞如是一時佛在釋翅尼拘留園中與大比
丘衆五百人俱尔時釋種種豪姓者數千之
衆往詣世尊所到已頭面礼足在一面坐尔

時諸釋白世尊曰今日當作王治領此國界
我等種姓便為不朽無令轉輪聖王位於汝
斷滅若當世尊不出家者當於天下作轉輪
聖王統四天下千子具足我等種姓名稱遠
布轉輪聖王出於釋姓以是故世尊當作王
治無令王種斷絕世尊告曰我今正是王身

名曰法王所以然者我今問汝云何諸釋言
轉輪聖王七寶具足千子勇猛我今於三千
大千刹土中最尊最上無能及者成就一覺
意寶無數千聲聞之子以為營從尔時世尊
便說此偈

今用此位為

得已後復失

此位最為勝

斯四

七

無終無有始 以勝無能奪 此勝最為勝
然佛無量行 無跡誰跡將

是故諸瞿曇當求方便正法王治如是諸釋
當作是學尔時諸釋聞佛所說歡喜奉行
聞如是一時佛在舍衛國祇樹給孤獨園尔
時有一比丘至世尊所頭面礼足在一面坐

尔時彼比丘白世尊曰頗有此色恒在不變
易耶久存於世亦不移動頗有痛想行識恒
在不變易耶久存於世亦不移動耶世尊告
曰比丘無有此色恒在不變易久存於世者
亦復無痛想行識恒在不變易久存於世者
若復比丘當有此色恒在不變易久存於世
者則梵行之人不可分別苦痛想行識久存
不變易者梵行之人不可分別是故比丘以
色不可分別不久存於世是故梵行之人乃
能分別盡於苦本亦無痛想行識不久存於
世是故梵行乃可分別盡於苦本尔時世尊
取少許土著爪上語彼比丘曰云何比丘見
此爪上土不比丘對曰唯然見世尊佛告比
丘設當有尔許色恒存於世者則梵行之人
不可分別得盡苦際以是比丘以無尔許色
在便得行梵行得盡苦本所以然者比丘當
知我昔曾為大王領四天下以法治化統領
人民七寶具足所謂七寶者輪寶象寶馬寶

珠寶玉女寶居士寶典兵寶比丘當知我尔
時作此轉輪聖王領四天下有八万四千神
象象名菩呼復有八万四千羽葆之車或用
師子皮覆或用狼豹皮覆者盡懸幢高蓋復
有八万四千高廣之臺猶如天帝所居之處
復有八万四千講堂如法講堂之比復有八
万四千玉女之眾像如天女復有八万四千
高廣之座皆用金銀七寶廁間復有八万四
千衣服被飾皆是文繡綻縹復有八万四千
飲食之具味若干種比丘當知我尔時乘一
大象色極白好口有六牙金銀校具身能飛
行亦能隱形或大或小象名菩呼我尔時乘

斯四

八

一神馬毛尾珠色行不身動金銀校飾身能
飛行亦能隱形或大或小馬名手王我於尔
時八万四千高廣之臺住一臺中臺名須尼
摩純金所作尔時我在一講堂中止宿講堂
名法說純金所造我於尔時乘一羽葆之車
車名最勝純金所造我於尔時將一玉女左

右使令亦如姊妹我於尔時於八万四千高
廣之座在一座上金銀瓔珞不可稱計我於
尔時著一妙服像如天衣所食之食味如甘
露當於尔時我作轉輪聖王時八万四千神
象朝朝來至門外多有傷害不可稱計我於
尔時便作是念此八万四千神象朝朝來至
門外多有傷害不可稱計我今意中欲使分
為二分四万二千朝朝來賀尔時比丘我作
是念昔作何福復作何德今得此威力乃至
於是復作是念由三事因緣故使我獲此福
祐云何為三所謂惠施慈仁自守比丘當觀
尔時諸行永滅無餘尔時遊於欲意無有厭
足所謂厭足於賢聖戒律乃為厭足云何比
丘此色有常耶無常耶比丘對曰無常也世
尊若復無常為變易法汝可得生此心此是
我許我是彼所乎對曰不也世尊痛想行識
是常耶無常耶比丘對曰無常也世尊設使
無常為變易法汝可得生此心此是我許我

斯四

九

是彼所對曰不也世尊是故比丘諸所有色
過去當來今現在者若大若小若好若醜若
遠若近此色亦非我所我亦非彼所此是智
者之所覺也諸所有痛過去當來今現在若
遠若近此痛亦非我所我亦非彼所如是智
者之所覺知比丘當作是觀若聲聞之人厭
患於眼厭患於色厭患眼識若緣眼生苦樂
亦復厭患亦厭於耳厭於聲厭於耳識若依
耳識生苦樂者亦復厭患鼻舌身意法亦復
厭患若依意生苦樂者亦復厭患已厭患便
解脫已解脫便得解脫之智生死已盡梵行
已立所作已辦更不復受有如實知之尔時
彼比丘得世尊如是之教在閑靜處思惟自
修所以族姓子剃除鬚髮著三法衣離家修
無上梵行生死已盡梵行已立所作已辦更
不復受有如實知之是彼比丘便成阿羅漢
尔時彼比丘聞佛所說歡喜奉行
聞如是一時佛在摩竭國道場樹下初始得

佛尔時世尊便作是念我今已得此甚深之法難解難了難曉難知極微極妙智所覺知我今當先與誰說法使解吾法者是誰尔時世尊便作是念羅勒迦藍諸根純熟應先得度又且待吾有法作此念已虛空中有天白世尊曰羅勒迦藍死已七日是時世尊復作念曰何其苦哉不聞吾法而取命終設當聞吾法者即得解脫是時世尊復作是念我今先與誰說法使得解脫今鬱頭藍弗先應得度當與說之聞吾法已先得解脫世尊作是念虛空中有天語言昨夜半已取命終是時世尊復作是念鬱頭藍弗何其苦哉不聞吾法而取命過設得聞吾法者即得解脫尔時世尊復作是念誰先聞法而得解脫是時世尊重更思惟五比丘多所饒益我初生時追隨吾後是時世尊復作是念今五比丘竟為所在即以天眼觀五比丘乃在波羅捺仙人鹿園所止之處我今當往先與五比丘說

斯四

十

兩

法聞吾法已當得解脫尔時世尊七日之中熟視道樹目未曾眴尔時世尊便說此偈
 我念此王處 經歷生死苦 執御智慧斧
 求斷根原栽 天王來至此 及諸魔怨屬
 復以方便降 令著解脫冠 今於此樹下
 坐於金剛牀 已獲一切智 逮所無礙慧
 我坐此樹下 見生死之苦 已却死原本
 老病永無餘
 尔時世尊說此偈已便從座起而去欲向波羅捺國是時優比伽梵志遙見世尊光色炳然翳日月明見已白世尊曰瞿曇師主今為所在為依何人出家學道恒喜說何法教為從何來為欲所至尔時世尊向彼梵志而說此偈
 我成阿羅漢 世間最無比 天及世間人
 我今最為上 我亦無師保 亦復無與等
 獨尊無過者 冷而無復温 今當轉法輪
 住詣加尸邦 今以甘露藥 開彼盲冥者

波羅捺國界 加尸國王上 五比丘住處
欲說微妙法 使彼早成道 及得滿盡通
以除惡法原 是故最爲勝

時彼梵志嘆吒儼頭叉手彈指含笑引道而
去是時世尊往詣婆羅捺是時五比丘遙見
世尊來見已各共論議此是沙門瞿曇從遠

斯四

十一

而來情性錯亂心不專精我等勿復共語亦
莫起迎亦莫請坐亦時五人便說此偈

此人不應敬 亦莫共觀視 勿復稱善來
亦莫請使坐

亦時五人說此偈已皆共默然亦時世尊至
五比丘所漸漸欲至時五比丘漸起來迎或

與敷座者或與取水者亦時世尊即前就坐
作是思惟此是愚癡之人竟不能全其本限
亦時五比丘稱世尊爲卿是時世尊告五比
丘曰汝等莫輕無上至真等正覺所以然者
我今已成無上至真等正覺已獲甘露善自
專念聽吾法語亦時五比丘白世尊曰瞿曇

本苦行時尚不能得上人之法況復今日意
情錯亂言得道乎世尊告曰云何五人汝等
曾聞吾妄語乎五比丘曰不也瞿曇世尊告
曰如來等正覺已得甘露汝等悉共專心聽
吾說法是時世尊便復作是念我今堪任降
此五人是時世尊告五比丘汝等當知有此

四諦云何爲四苦諦苦集諦苦盡諦苦出要
諦彼云何名爲苦諦所謂生苦老苦病苦死
苦憂悲惱苦愁憂苦痛不可稱記怨憎會苦
恩愛別苦所欲不得亦復是苦取要言之五
盛陰苦是謂苦諦彼云何苦集諦所謂受愛
之分集之不倦意常貪著是謂苦集諦彼云
何苦盡諦能使彼愛滅盡無餘亦不更生是
謂苦盡諦彼云何名爲苦出要諦所謂賢聖
八品道所謂等見等治等語等業等命等方
便等念等定是謂名爲四諦之法然後五比
丘此四諦之法苦諦者本未聞法眼生智生
明生覺生光生慧生復次苦諦者實定不虛

不妄終不有異世尊之所說故名爲苦諦苦
集諦者本未聞法眼生智生明生覺生光生
慧生復次苦集諦者實定不虛不妄終不有
異世尊之所說故名爲苦集諦苦盡諦者本
未聞法眼生智生明生覺生慧生光生復次
苦盡諦者實定不虛不妄終不有異世尊之

斯四

十三

所說故名爲苦盡諦苦出要諦者本未聞法
眼生智生明生覺生光生慧生復次苦出要
諦者實定不虛不妄終不有異世尊之所說
故名爲苦出要諦五比丘當知此四諦者三
轉十二行如實不知者則不成無上正真等
正覺以我分別此四諦三轉十二行如實知
之是故成無上至真等正覺尔時說此法時
阿若拘隣諸塵垢盡得法眼淨是時世尊告
拘隣曰汝今已逮法得法拘隣報曰如是世
尊已得法逮法是時地神聞此語已作此唱
令如來在波羅捺轉法輪諸天世人魔若魔
天人及非人所不能轉者今日如來轉此法

輪阿若拘隣已得甘露之法是時四天王從
地神聞唱令聲復轉告曰阿若拘隣已得甘
露之法是時三十三天復從四天王聞艷天
從三十三天聞乃至兜術天展轉聞聲乃至
梵天亦復聞聲如來在波羅捺轉法輪諸天
世人魔若魔天人及非人所不轉者今日如

來轉此法輪尔時便名爲阿若拘隣尔時世
尊告五比丘汝等二人任受教誨三人乞食
三人所得食者六人當共食之三人任受教
誨二人往乞食二人所得食者六人當取食
之尔時教誨此時成無生涅槃法亦成無生
無病無老無死是時五比丘盡成阿羅漢是

斯四

十三

時三千大千刹土有五阿羅漢佛爲第六尔
時世尊告五比丘汝等盡共人間乞食慎莫
獨行然後衆生之類諸根純熟應得度者我
今當往優留毗村聚在彼說法尔時世尊便
往至優留毗村聚所尔時連若河側有迦葉
在彼止住知天文地理靡不貫博算數樹葉

皆悉了知將五百弟子日日教化去迦葉不遠有石室中有毒龍在彼止住尔時世尊至迦葉所到已語迦葉言吾欲寄在石室中一宿若見聽者當往止住迦葉報曰我不愛惜但彼有毒龍恐相傷害耳世尊告曰迦葉無苦龍不害吾但見聽許止住一宿迦葉報曰

若欲住者隨意往住尔時世尊即往石室敷座而宿結跏趺坐正身正意繫念在前是時毒龍見世尊坐便吐毒火尔時世尊入慈三昧從慈三昧起入焰光三昧尔時龍火佛光一時俱作尔時迦葉夜起瞻視星宿見石室中有大火光見已便告弟子曰此瞿曇沙門容貌端正今為龍所害甚可憐愍我先亦有此言彼有惡龍不可止宿是時迦葉告五百弟子汝持水瓶及輦高梯往救彼火使彼沙門得濟此難尔時迦葉將五百弟子往詣石室而救此火或持水灑者或施梯者而不能使火時滅皆是如來威神所致尔時世尊入

慈三昧漸使彼龍無復瞋恚時彼惡龍心懷恐怖東西馳走欲得出石室然不能得出石室是時彼惡龍來向如來入世尊鉢中住是時世尊以右手摩惡龍身便說此偈
龍出甚為難 龍與龍共集 龍勿起害心
龍出甚為難 過去恒沙數 諸佛般涅槃
汝竟不遭遇 皆由瞋恚火 善心向如來
速捨此恚毒 已除瞋恚毒 便得生天上

十四末 拜

增壹阿含經卷第十四

斯四

拔耆上蒲八反騾郎和反炳然上音丙霹靂上音覓反唯見下音金翅施下音擲反直亦囊反乃黨爪反之巧
癸上于反狼豹見下必反文繡下音秀統繡上音紆阮反校具上音教羅捺下代反駒詩問反嘆吒下加二反儼頭上掩反阿若下而反梯他衣反